

Date – 29/04/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. **Khawcheng karah naupangte an him zawk nan vawiin hian Aizawl District leh District thenkhatah ni hnih nan zirna in khar chhonzawm a ni.**
2. **ZPM President leh Chief Minister Pu Lalduhoma'n AMC-a Corporator thlan tharte chu mipuiin tha zawk tura an beiseina tihhlawhtling turin a chah.**
3. **Tukin dar 7 atangin West Bengal Assembly inthlan thawhnhihna vote thlak a ni.**
4. **Prime Minister Narendra Modia chuan nimin khan Varanasi atangin hmasawna project cheng vaibelchhe 6350 hu hawngin Amrit Bharat Express rel thar pahnih a vailiam bawk.**

<><><>

RAIN HAVOC

Khawcheng karah naupangte an him zawk nan vawiin hian Aizawl District leh District thenkhatah ni hnih nan zirna in khar chhonzawm a ni.

Indian Meteorological Department in khawchin a thlirlawknaah ruah la sur zui tura a hmuh avangin school naupang te an him zawk nan Aizawl District Bawrsap Pu Lalhriatpuia chuan zirna in khar a nih thu thuchhuahah a siam a, hriat theih chinah Lawngtlai District ah leh District thenkhat bakah Mizoram University pawhin zirlaite him zawk nan chawlh a puang bawk a ni.

India Meteorological Department, Aizawl Director Pu Sudheer Kumar Dwivedi chuan Akashvani News Aizawl zawhna chhangin, nimin atanga nasa taka thli leh ruah thawk chuan ni 3 chhung vel ala awl dawn niin a sawi a, ni 3 lo la awm turah hian Mamit, Kolasib, Aizawl, Champhai leh Serchhip district-ah te thlipui leh ruah tam tham tak a sur rin a ni a, thli pawh darkar khatah km 50 atanga 60-a chakin a tleh rin a ni, a ti.

Pu Sudheer Kumar Dwivedi chuan ruah sur tam dan an chhinchhiah thar berah tun ni 2 chhunga ruahsur chu April thla bika kum 30 chhunga Aizawl khawpuia ruahsur tam dan chhinchhiah chinah 6-na a nih thu a sawi a; IMD Aizawl-in ruah sur dan record a neih thar berah chuan Aizawl-ah millimetre (mm) 57.8 a sur a, Lengpui-ah mm 54 leh Champhai-ah mm 32.5 niin, Khawzawl, Hnahthial, Lawngtlai leh Mamit-ah te pawh mm 30 vel a sur bakah, nimin atang khan boruak pawh a vawt chho tih sawiin, khuarel chhiatna thleng thei laka fimkhur turin mipui a chah bawk.

<><><>

PRE MONSOON RAINS

Chief Minister Pu Lalduhoma chuan Ṭo haw in thli na tham tak a rawn ken tel avangin hmun thenkhatah chhiatna a thlen hlawm tih a hriat thu sawiin heng, chhiatna tuarte hi sorkar chuan a thlahthlam dawn lova. Dan anga tanpuina awm thei apiang a tihsak zel dawn a ni, a ti.

Chief Minister chuan an hriat theih chinah Chhipphir, Lungsei leh Sialsuk lamah te chhiatna a thleng tih sawiin chenna in chan vek te, eng emaw zat chhia te an awm a, DDMA zawng zawngte chu tanpui ngaite rang taka lo tuamhlawm zel turin a chah a ti a. Chhiatna tuarte tanpuia tha leh zung sengtu YMA leh khawtlang mipuite chungah lawmthu a sawi bawk.

Chanchin hriat theih chinah Serchhip District-a Bungtlang chhimveng-ah chenna 5 a chhia a, Hengte bakah hian Thenzawl Vengthar leh Kananah te leh, Serchhip field veng ah te in engemaw zat chhiain, Serchhip vengchungah in 3 a chhe bawk a, heng in chhia te hi vawiin hian a remchan dan anga thawm that hna khawtlang huapa thawh a ni a.

Thlipui leh ruahpui thawk chuan Lunglei District chhung hmun hrang hranga chhiatna leh harsatna hrang hrang thlenin Lunglei DDMA chuan chhiatna thleng report hrang hrang 32 a dawng tawh a.

Chhiatna thleng tam zawk hi thliin chenna in a then a tihchhiat niin, report dawn chinah Lunglei District chhunga khaw 13-ah chhungkaw chenna in chhia 29 a awm a. Chhek in 1 leh vawk in 3 a chhe tel bawk.

Chenna in chhia bakah hian Buarpui Anganwadi Centre-IV, Sairep Sub-Centre leh UPS, Mamte Sub-Centre, Changpui Public Library, Buarpuia BCM Ramhlun Sunday School Hall, BCM Chawlhbuk, Pastor Quarters Garage leh Govt High School te pawh a then a zar a chhe nual bawk a. Hmun thenkhatah lei min, thing tlu leh electric ban tlu te awm bawkin, he'ng chhiatna avang hian mihring thi leh hlaim erawh an awm hriat a ni lo.

<><><>

12TH RESULT

Mizoram Board of School Education (MBSE) chuan vawiin April ni 29 chhun dar 12 khian Higher Secondary School Leaving Certificate (HSSLC) Examinations, 2026 result a tichhuak dawn a; result hi MBSE Office, Chaltlang leh MBSE Regional Office, Lunglei bakah, MBSE website pahnih - www.mbse.edu.in leh www.mbseonline.com ahte en theih a ni ang.

<><><>

ZPM AMC

ZPM President leh Chief Minister Pu Lalduhoma'n AMC-a Corporator thlan tharte chu mipuiin tha zawk tura an beiseina tihhlawhtling turin a chah.

Nimina ZPM Party-in Vaivakawn YMA Hall-a 'AMC-a hnehna chan lawmna' an buatsaihnaah thusawiin Pu Lalduhoma chuan, ZPM corporator-te chu Aizawl mipuiin tha zawk tura an beisei avangin rorel turin an thlang a, sorkar kal tawhte aia danglam zel tura chahin, Aizawl mipuiin an beisei dan pawh a nih thu leh an lakah mipui thikthu a chhiat dawn thu a sawi a, kum 5

chhung hna an thawhona turah mahni hmasialna avanga harsatna leh buaina thleng thei lakah fimhur tur te, indawmkang tawna inluangrualna leh inphumkhatna nen Aizawl khawpui kaihruai turtein a chah a ni .

Aizawl Municipal Corporation kum 2026-2031 chhung atana Aizawl Mayor turin Ward No. 6 - Chanmari West, Edenthlar, leh Hunthar veng atanga corporator atana thlan tlin Pu H Lalremtuanga ruat a ni a; Pu H Lalremtuanga hi AMC By-election 2024 khan Ward No.6-ah hian thlan tlin a lo ni tawh a ni.

Deputy Mayor atana ruat Pi R Lalawmpui ruat niin Executive Corporator atan Ward No. 8 atanga a zawna thlan tlin Pi Christina Roluahpui Sailo, Ward No 13 atanga thlan tlin Pu Vanlalhruaia, Ward No. 3 atanga thlan tlin Pu Vanlalfaka leh Ward No 18 atanga thlan tlin Pu K. Lalrodinga-te ruat an ni bawk.

<><><>

DOMESTIC WORKER TRAINING

Awmpui hnathawk (Domestic worker) te hnathawna hmuna himna leh hriattur pawimawh te sawi hona hun nimin khan hman a ni.

State level meeting on Social Security schemes for Domestic Workers hi I&PR Lianchhiari Run Conference Hall-ah neih a ni a. Khuallian, Labour Employment Skill Development Entrepreneur Dept Secretary Dr Lalhriatzuali Ralte chuan inchungkhur enkawlpuia, naupang leh kum upa te enkawl thintu awmpui hnathawk te an pawimawh hle a ni a ti a. an hamthatna awm te leh an dikna te ngaihthah te pawh an ni thin a, an mahni humhimna kawngah te duh angin thil tih a ni lo thin bawk a, chutiang tur chuan sawrkarin dan siamin hma ala chho mek tih sawiin hemi atan hian The Mizoram Private Placement Agency Act siam a nih thu a sawi bawk.

He hunah hian University mithiamte, tlawmngai pawl hrang hrang bakah, Women cell Police aiawh te telin, Awmpui hnathawk tute leh a ruaitute inkara harsatna thleng thei leh thleng mek bakah awmpui hnathawk tuten sawrkar dept hrang hrang atanga hamthatna an neih ve theih dan tur sawihona neih a ni a, tun dinhmunah Mizoramah member 2,000 chuang inziaklut an awm tawh a ni.

<><><>

ZUANGTUI II POLLING STATION

Nimin khan Zuangtui-II Polling Station-a vote tlate chu Mizoram State Election Commissioner Dr. H. Lalthlangliana kaihruaina hnuaiah Candidate Election Agent te leh Municipal Returning Officer te hmuh laiin Pu Laxman Khot, BEL EVM Engineer chuan EVM Control Unit chu hawngin vote tlate chu tuang takin a la chhuak a,

MNF candidate CL Biakhlua chuan vote 2809 a hmu a, Congress candidate Laldinpuiin 1652 a hmu a, BJP candidate R. Lalhmingmawia chuan vote 62 a hmu a, ZPM candidate Vanlalhriata chuan vote 4409 a hmu a, NOTA ah vote 27 a tla bawk a ni.

Zuangtui-II Polling Station-a vote tla chhiar hian candidate thlan tlin leh tling lote a nghawng loh laiin State Election Commission, Mizoram chuan Zuangtui-II Polling Station-a hun leh tha senga vote thlak tute duhthlanna hriat loh a liam tir mai tha a ti lova, hei vang hian a hranpa liau liau a Zuangtui-II Polling Station-a vote tlate chhiar thei ngei tur hian Commission chuan hma a la ta a ni.

EVM Control hawna leh vote chhiarna hunah hian MJA aiawh te, Political Party aiawh te, General Observer leh State Election Commission, Mizoram official te an tel a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

DOMESTIC WORKER TRAINING

Awmpui hnathawk (Domestic worker) te hnathawna hmuna himna leh hriattur pawimawh te sawi hona hun nimin khan hman a ni.

State level meeting on Social Security schemes for Domestic Workers hi I&PR Lianchhiari Run Conference Hall-ah neih a ni a. Khuallian, Labour Employment Skill Development Entrepreneur Dept Secretary Dr Lalhriatzuali Ralte chuan inchungkhur enkawlpuia, naupang leh kum upa te enkawl thintu awmpui hnathawk te an pawimawh hle a ni a ti a. an hamthatna awm te leh an dikna te ngaihthah te pawh an ni thin a, an mahni humhimna kawngah te duh angin thil tih a ni lo thin bawh a, chutiang tur chuan sawrkarin dan siamin hma ala chho mek tih sawiin hemi atan hian The Mizoram Private Placement Agency Act siam a nih thu a sawi bawh.

He hunah hian University mithiamte, tlawmngai pawl hrang hrang bakah, Women cell Police aiawh te telin, Awmpui hnathawk tute leh a ruaitute inkara harsatna thleng thei leh thleng mek bakah awmpui hnathawk tuten sawrkar dept hrang hrang atanga hamthatna an neih ve theih dan tur sawihona neih a ni a, tun dinhmunah Mizoramah member 2,000 chuang inziaklut an awm tawh a ni.

<><><>

WEST BENGAL ELECTION

Tukin dar sarikh atangin West Bengal Assembly inthlan thawhnhina vote thlak a ni. Assembly inthlan thawhnhinaah hian bial 142 ah vote thlak a ni a. Candidate 1448 an awm a. An zingah hian hmeichhia 220 an awm a. Assembly bial lian ber hi Kalyani niin a te ber hi Jorasanko a ni a. Inthlan thawhnhinaah hian Voter vaibelchhe 2 nuai 21 sing 7 sang 3 leh 873 an awm a.

West Bengal Assembly inthlan vote tla te hi thlaleh ni 4 ah Tamil Nadu, Assam, Kerala leh Puducherry te nen chhiar a ni ang.

<><><>

PM

Prime Minister Narendra Modia chuan nimin khan Varanasi atangin hmasawna project cheng vaibelchhe 6350 hu hawngin Amrit Bharat Express rel thar pahnih a vailiam bawk.

Prime Minister Modi-a project hawn zingah hian rel kawng, kawngpui, tui, healthcare tihchangtlunna, khualzin hipna lam leh khawpui hmasawna ruhrel tihchangtlunna turte a tel a. Amrit Bharat Express rel thar pahnih hi Uttar Pradesh leh Maharastra inkara tlan tur a ni a. Thusawiin Pu Modia chuan ramchhunga hmeichhiate theihna chu India changkanna anih thu sawiin sawrkarin policy siamna kawngah hmeichhiate a tam thei ang ber tel tir an tum tih a sawi a. Lok Sabha leh Legislative Assembly ahte hmeichhiate tana chanvo hauhsakna dan an tihlawhtlin ngei theih nan hmeichhiate duhdakna a dil bawk a ni.

<><><>